

石

匱

書

名臣書卷第十四

光宗本紀

貞皇帝 神宗長子也萬曆二十九年冬十月
冊立為皇太子少時英敏 神宗呼膝前屬對
出對曰敬天地太子應聲曰孝父母 神宗曰
對韻宜平太子曰除舍父母莫對天地 上悅

萬曆四十八年七月十五日 神宗崩詔傳位

太子二十日有旨停止礦稅 監張燝馬堂胡

賔潘相立乘雲蓋行撤回又旨發內帑銀一百

該部差官星夜解赴_九邊犒賞務沾是惠

又旨遵父皇遺言着封皇貴妃鄭氏為皇后禮
部查例未行皇貴妃鄭氏進美女四人八月初
一日丙午皇太子即皇帝位西廂卜石兔來貢
二日復王昺駙馬都尉三日南直隸巡按奏停
織造詔從之起陞汪應蛟工部尚書董從需右
侍郎上御朝以文華殿狹小朝儀不肅諭內

閣起建皇極門殿發內帑二百萬兩刻日興功
南贛撫臣周應秋起解存積銀一百萬兩助邊
四日起陞鄒元標大理寺卿劉光復光祿寺丞
周曰庠太僕寺卿朱一桂太僕寺少卿朱國祚
南京禮部尚書馮從吾尚寶寺卿李宗延光祿
寺少卿定三六凡常朝諭遼東經畧熊廷弼曰

特命爾調度戰守相機征勦暴露良

苦賜白金綵幣用彰恩施科臣周朝瑞奏慎初

三要請停止金花銀兩 上怒其妄黷之起鍾

一 統仲萬建崑王佐秦聚奎劉文炳滿朝荐

等寺部司官吏部請冊立東宮 上諭立東宮

謹遵遺詔於釋服後舉行一日定朝儀勅欽天

監造曆吏部周嘉謨開列昔年為國本建言得

罪諸臣王德完等凡三十二人有旨議用九日

以袁應泰撫按遼東起太常寺少卿陳紹以王

佐為倉場尚書十日 上不豫十一日御史舒

崇都請追寃楊鎬李如柏鄭之范劉國縉保舉
之人以治誤遼之罪十二日 上御門後傳諭
內閣朕今早御門見有班行後隨從執步洒金
大扇回至省愆居有散班官于會極門高聲喝
道朕深思治理朝儀嚴肅立容褻慢卿可傳示
各官以後凡遇臨朝務要十分敬慎如仍前肆
六亂朝儀定行重治不貸陝西臨鞏間已時
黃河泛白未時徹夜澄清上下數十里共三日

十四日聖壽卽傳免內醫崔文昇下通利之藥
晝夜三四十起支離床褥問鄭貴妃屢趨
旨邀封太后再下禮部具儀侍郎孫如游力言
本朝無例可據十五日御之鄭宗周上輔臣方
從哲書責以用藥乖方之故冊立東宮萬不可
緩從哲乃奏言聖躬未愈請命皇長子別住慈
慶宮漕督王紀奏請釋宗藩充縣十六日上
不視朝群臣齊赴宮門恭候萬安十七日皇親

鄭養性請收皇貴妃封后成命久之乃允點用
閣臣何宗彥劉一燝韓爌仍起舊輔葉向高尚
書朱國祚俱入閣辦事十九日禮部侍郎署部
事孫如游等上皇考大行皇帝皇妣孝端皇后
尊謚依擬上諭禮部議一生母皇貴妃徽稱
并遷祔禮儀二十日給事楊漣言聖躬違和明
文昇藥誤所致宜發司禮監究問召皇長
子於前以發天性之真和二十二日傳錦衣衛

官宣楊漣并召大學士方從哲英國公張惟賢
及六部科道官等進見時綏上且杖漣既入
目注漣久之諭曰國家事重卿等盡心朕自加
意調理二十三日定瑞惠桂三王封國初議東
昌平陽已而惠桂二府改於荊州衡州禮部奏
旨元妃郭氏才人王氏俱加封皇后有即議謚
及合行禮儀具奏上又諭選侍李氏侍朕勤
勞撫皇長子如親生厥功甚茂着封為皇貴妃

二十四日戶部奏請添設海運兵備駐札淮安
往來津開間專理運事二丁五日大學士劉一
燝韓爌克經筵日講二十六日 上疾大漸召
大學士方從哲劉一燝韓爌及英國公張惟賢
尚書周嘉謨李如華孫如游黃嘉善黃克纘都
御史張問達給事中范濟世楊漣御史顧慥于
沈清宮 上御東暖閣倚榻憑几皇長子侍立
諸臣問安畢 上命諸臣前連諭曰朕見卿等

甚喜從哲曰臣等請皇長子居東宮上曰令
他別處去不得科臣說宜常在朕前極是因諭
封李選侍為貴妃者再孫如游奏曰東宮冊立
後典禮次第舉行上首肯群臣以順彙進
上曰十餘日未用矣停視久之命皇長子代謝
諸臣乃退遣餉御史萬崇德奏請截漕糧二十
萬石以濟遼并請造船以運餉二十七日以李
騰芳鄭以偉教習庶吉士二十八日刑科魏應

嘉請正李如柏李如松違誤國之罪二十九
日 上再召方從哲等十二人于乾清宮諸臣
問安畢 上顧皇長子諭群臣曰卿等輔佐他
為堯舜之君語未既李選侍披幘而立呼皇長
子入嚕 語復趨之出皇長子忿憤向 上曰
要封皇后 上不應復視群臣曰輔他要緊又
云壽宮如何諸臣以皇考山陵對 上曰是朕
壽宮乃諭要緊者再又問有鴻臚寺進藥官何

在從哲對云有李可灼自云仙丹臣等未敢輕
信 上即召可灼進診視具言病源 上喜命
趨和藥進 上飲湯輒喘藥進乃受 上喜稱
忠良者許諸臣出宮門外頃中僕傳聖牀用藥
後煖潤舒暢思進飲膳諸臣歡躍而退可灼及
御醫留日晚可灼出輔臣邀訊之可灼言 上
恐藥力竭再進一丸亟問後何狀可灼言寧安
如前至五鼓宣召急病臣趨進而 上以卯刻

上賓矣諸臣入言哭罷即請見皇長子擁入
慈慶宮請即日登極不允初連左光斗疏請李
選移宮皇長子着司禮監按盜藏諸侍收李進
忠劉朝等選侍踉蹌移至喊驚宮語具三吳祥
臣會議先帝即位僅兩月善政已足十秊豈
可使年號不存今議萬曆年號斷自七月終止
今年八月初一先帝登極之日至十二月終
斷宜偕之先帝俱稱泰昌則先帝之年號

不虧萬曆之寔數不減殿下明年之改元不礙
詔從之泰昌元年九月初一日庚辰皇長子即
皇帝位八月給事中惠世揚劾奏輔臣方從哲
庸回比同妨賢病國有破壞封疆十罪而諂事
鄭貴妃已藏禍心交結劉遜李進忠助邊侍占
位乾清黨護崔文昇李可灼輕君上之身命
其悖逆不可勝誅有旨慰留十二日女直入撫
順大掠而去十五日御史馮三元論經畧熊廷

弼無謀者八欺后者三命凡卿科道會議江西大水十七日科臣楊漣劾熊廷弼宜自量才力早決去留毋悠泛議勘以誤國事女直分路入犯瀋陽楊漣劾兵部尚書黃嘉善一籌莫展請加誅斥十九日南京太常寺少卿曹珍請寃醫藥奸黨陰謀言二十年来忠臣義士受杖受謫以爭冊立者正以先帝故耳今先帝卒崩之變當與先年挺擊青宮同一奸謀先帝之

升遐一日不明則內廷之奸謀一日不破內廷
之奸謀一日不破則聖躬之安危未能全保廷
臣不得以糊塗潦草遂結此案二十二日御史
張脩德糾熊廷弼遼事大壞宜正典刑二十四
日赤氣亘天二十七日上傳諭內閣朕旨幼
時選侍李氏恃寵氣毆聖母致成疾萌逝朕終
天抱痛前皇考病革大臣問安選侍逼封皇
后威挾朕躬至今含羞避毒暫居慈慶宮李氏

令李進忠劉遜傳言每日章奏必先奏看過方
與朕覽即日欵垂簾聽政朕思祖宗家法有此
規制否朕今奉養李氏噉鴛宮仰遵遺愛寔不
敢怠恐外廷未知故諭從哲等具揭封進上
再諭發抄從哲又揭曰事關宮闈不宜輕洩惟
望益宏聖度無念舊惡經畧熊廷弼繳還上方
席藁待罪十月朔一日黃嘉善罷以黃克績畧
部事五日以巡撫袁應泰經畧遼東十一日敗

女直于灰山命行人徵輔臣葉向高朱國祚史繼階沈淮何宗彥入閣十八日內傳尚書孫如游入閣辦事御史賈繼春宋伸田珍合疏糾之二十四日噦鳶宮火 上諭內閣曰皇五弟與諸公主見居昴勤宮與噦鳶宮甚遠差人守護今噦鳶宮雖燬選侍李氏暨皇八妹俱無恙十一月庚戌朔命兵科朱童家往遼東會勘熊廷弼功罪十二月十二日都給事中楊漣疏述移

宮始末 上命昭示中外以釋群疑大學士方
從哲以病請致仕去二十七日都給事中楊漣
上疏乞歸許之二十八日 上傳諭大小臣工
以後大臣進退取自上裁小臣去留悉聽部議
如有擅自去職者廷議治罪

召匱書曰貞皇帝以一月沮而我明之氣數薄
矣 神宗御寓日久萬事草瑣 貞皇帝一旦
起潛邸而撤礦稅發內帑起直言勤召對譏然

不日耳
才
蹴大床之天下而使之覺人且謂之一月之唐
虞焉臣工海內方思改頭換面以共濟太平乃
竟以一月殂而我明之氣數薄矣嗚呼惜哉

石匱書卷第十五

熹宗本紀

愍皇帝 光宗長子也泰昌元年、一十六歲
在宮中好嬉游日與太監魏進忠輩為馬駝抵
角之戲進忠以皇長子為奇貨日事引誘旦夕
不離秋九月朔 光宗升遐閣臣劉一燝等哭
臨大內請見嗣皇李選侍聞之煖閣不得出太
監王女給選侍強抱以出諸臣見即叩頭呼萬

歲桓王慈慶宮初六日即皇帝位以明年為天
啟元年大赦天下

元年正月癸酉朔上御熙群臣朝賀宴朝鮮
陪臣享太廟御史焦源溥叅刑部尚書黃克纘
不能執法請誅文昇反為群犯開罪二十二日
上行冠禮御史周宗建請謚先臣顧存仁顧憲
成陶望齡王世貞四人賜三王府庄田復駙馬
王昺膳養田租二月追首于香爐山大破之舉

經筵草場火長陵軍鼓譟三法司會審楊鎬李
如楨等律各斬炆後處決從之免親藩貢馬撫
諭西鹵閏三月命纂脩神宗光宗兩朝實錄
風霾詔九邊嚴加防脩荆王助餉上賜璽書
嘉其忠義命南京諸司預建黃冊庫房慎重圖
籍營慶陵封郭振明博平伯王天瑞永寧伯王
昇新成伯起孫常南吏部尚書魏養蒙南戶部
侍郎魚食都御史總理糧儲朱延禧南祭酒昭

和殿災三月海州吳金祖叛欽邱遼東陣亡將
吏劉縱王宣杜松各贈少保予謚廕潘宗顏光
祿卿董如礪張文炳各食亭女直渡渾河犯瀋
陽按臣張銓下令遼降裔于城外賀世賢不從
將士憑濠而守賊驅土填塹埒擁過濠城內降
裔應之開東門入尤世功死之賀世賢率屬西
奔瀋陽陷女直乘勝過伐于河直抵遼陽袁應
泰出城督戰彼勢猖獗我軍不支敵以步兵攻

西門應泰復入城李永芳詐請降應泰許之命
監受降旗城上敵兵擁至薄暮城樓火起降酋
內應盡樹黃幟大開西門李永芳賀世賢並轡
入城應泰自焚死張鈐何廷魁崔儒秀同日死
之金復海蓋州衛悉陷四月諭吏部曰熊廷弼
守遼一載未有失袁應泰一敗塗地當時倡
議何人將祖宗百戰封疆袖手送人若不嚴核
何以敵後准借大工銀十萬兩修山海城監軍

高出自遼陽亡奔航海歸朝揭請割廣寧餌西
鹵以禦御史劉廷宣勅之逮問中科道尹同昇
等分營簡練遼東巡撫薛國用告病叅議王化
貞代之贈遼陽死事將吏張銓大理寺卿尤世
功陳策少保崔儒秀何廷魁光祿卿各賜謚廕
童仲揆張名世吳文傑周敦吉戚金鄧起龍秦
邦屏各都督同僉獲通鹵傳報人劉保傑之甲
戌發冊迎皇后張氏文武命頃奉詔朝皇后于

武英殿五月冊立張氏為皇后王氏良妃段氏
淑妃六月起熊廷弼為尚書仍經畧畿輔大旱
上於宮中虔禱素服御門勅百官同加脩省役
半甘雨千里經略熊廷弼請添設監軍諸司併
保繫臣高出降二級胡嘉棟降四級戴罪立功
再題用原任主事劉國縉起升登萊招練副使
佟卜年升登萊監軍僉事推官洪敷教升職方
司主事軍前贊畫七月上諭留乳母奉聖夫人

人客氏于大内准照皇祖戴聖夫人余氏例伊
男加升錦衣衛指揮太監王安發為淨軍八月
毛文龍恢復鎮江經畧熊廷弼奏汰退不堪援
軍女直襲金州二十二日祧廟九月廣西肇慶
府地裂湧血免湖廣災傷田租鎮江復陷遼東
巡按方震孺請特旌血戰誓死之將張神武下
兵部議十一月套鹵入犯延安皇極門成裔首
良定等犯甘肅鎮番等處叅將王承恩率兵拒

之斬獲甚衆十二月四川蘭州倡亂土目樊龍
樊虎統領調兵至重慶密受酋長奢崇明奢寅
父子逆謀挾衆煽亂殺巡撫徐可求等遂據重
慶陷遵義石柱宣撫司女官秦良玉起兵勤王
進圍重慶賊攻合州江津知州翁登彥知縣周
禮嘉率衆禦之攻興文知縣張振德死之賊逼
成都以左都御史張問達為吏部尚書鄒元標
為左都御史

二年正月遼東撫臣王化貞請以六萬師進戰
寇可一舉盪平經臣熊廷弼請如撫臣請併亟
罷臣以作戰士之氣下兵部會議經撫去留詹
戚繼光子錦衣衛指揮使世襲四川霍賊攻犯
成都指揮田仰泰戰敗投降指揮丹世洪雷安
世翟英死之女直臨河欲渡搃兵劉渠駐兵振
武禦之王化貞欲誘其深入以驍騎蹙之可以
大創各道為非計乃止化貞又招西鹵萬騎至

邊作爲聲援兵部尚書張鶴鳴以清河瀕危自
請視師詔加太子太保賜蟒玉尚方劍便行宜
事何棟如陞太僕少卿贊畫發帑金三十萬而
速鮮山海應用女直渡河逼西平堡羅一貫死
守用砲擊死甚衆復犯振武總兵劉渠方集陣
先鋒孫得功故化貞所任心腹將也推渠當先
未及戰得功呼曰兵敗矣率所部走渠畧陣馬
蹶被殺初東忠扶病上馬中箭死李永芳還攻

西平寇之一貫自刎廣寧聞報一城閉然爭奪
門走化貞方晨起閱書西將江朝棟排闥大呼
化貞不知所為倉皇借馬突出得功還失主帥
遂踞城降敵以黃袱迎敵過河化貞從數騎走
閭陽適廷弼自石屯引兵至化貞相向哭廷弼
顧笑曰六萬軍蕩平竟何如化貞慚尋向廷弼
議固守寧前計廷弼曰晚矣公不受給募戰不
撤廣寧兵于振武當無今日此時冰解之勢誰

與爲守惟有護百萬生靈入關勿以資敵乃整
衆西行化貞與寧前道張應吾殿後時敵無追
者得緩轡以旋按臣方震孺在廣寧尚卧未起
聞撫臣走亦單騎遁監軍牛維曜和慎言隨之
高出胡嘉棟韓初命隨經畧自石屯赴閭陽尋
隨經畧退走關上惟高邦佐留松山沐浴衣冠
向西再拜而縊其僕高厚從死二月主事王之
采追理張差舊案有旨已經 皇祖處分不必

追論閩鳴泰袁崇煥監軍山海三月命解經邦
為經略辭不赴任荆之改命王在晉以兵部尚
書兼石副都御史經畧遼薊津萊軍務命宿將
杜應奎蕭如薰等募兵訓練脩用川師克復安
岳樂至二縣四月奢寅敗走成都圍解復遵義
府議撫西鹵輟寶和店稅以太僕卿董應舉兼
河南道御史管理直隸天津等處屯田安插遼
民又發銀十萬兩給置耕牛尚書王紀都御史

鄧元標大理卿周應炆具經撫獄詞俱依律處
斬廿七日酉時大雨雹五月授毛文龍總兵王
一軍通判贊畫發糧二十萬石銀十萬兩解毛
文龍仍頒給勅印旗牌假以便宣行事貴州土
酋安卯彥叛攻陷龍里覓進圍成都山東妖賊
徐鴻儒倡亂攻陷郛城撫臣趙彥發兵捕之六
月浙江巡撫蘇茂相請追恤昭代第一慘忠方
孝孺准與祭塋謚祠山東妖賊復陷鄆滕二縣

山東都司廖棟破武安賊巢焚之川師克復渝
城督臣張我續請起擢城守諸臣翁登彥等九
人恤贈死節諸臣張振德董盡倫等十二人七
月淫雨傾壞山海邊垣官民廬舍無算遼陽城
火山東一日二捷朝鮮入貢賜勅旌其忠節厚
賚遣之免磁器等稅八月山東妖賊流劫金山口
徐州震動九月冊封信王冊封光廟選侍李氏
為莊妃演象所內火藥房燬十月川湖總督張

我續獻俘并樊龍張彤黑蓬頭等首級貴州賊
酋安邦彥破遵義復圍省城以撫臣李榕為兵
部右侍郎兼右僉都御史按臣史永安加太僕
少卿守城禦賊贈死難副使孫好古大理寺卿
贈袁應泰兵部尚書給祭葬贈土司彭象古彭
衆周彭鯤翔彭天祐各都督等官鄆城恢復徐
鴻儒就擒伏誅巡撫趙彥恭報山東蕩平二十
七日城守火藥被焚左都御史鄒元標四疏乞

休許之翰林院脩撰文震孟上疏陳勤政講學
之寔庶吉士鄭鄴繼之俱降級調外任十一月
贈徐可求右都御史十二月東省賊平修復孟
氏墓廟以趙彥為兵部尚書魚右都御史以張
鳳翔馮嘉會為都察院右副都御史俱照舊巡
撫黔師擊殺逆酋安邦俊等餘黨潰散

三年正月黔撫王三善解貴陽圍隨三路進師
使張孝出鴨池劉超出陸廣三善師無紀律恣

行搶掠賊皆守險遺財物錙之土官蒙詔賈陣
先逃賊乘之官兵大敗姚旺等三十七將皆死
二月鳳鳥集于大菟五月川兵克復遵義朝鮮
逆臣李暉殺其主李綜自立登萊巡撫袁可立
請兵討之永寧大捷六月羅平沙賊作亂雲南
巡撫閔洪學平之七月川師進勦寇險回破蘭
草并獲偽官偽勅八月麻羊島守備張盤收復
金州九月福建紅商葉域于彭湖十月己卯皇

子生平遼總兵毛文龍奏滿蒲昌城之捷請兵
餉命給漕糧下萬石閏十月毛文龍奏涼馬佃
獲牛馬大捷詔賜金蟒獎諭發帑金三萬兩充
賞南京齊庶人睿熾與妾人陳鼎相謀不軌即
時擒治四川總督朱燮元奏捷十一月冬至
上祀天於圓丘戊午可灼敘川貴功總督朱燮
元等陞賞有差十二月女直棄廣寧四衛城盡
遷其民于海上川貴總督張我續病免以楊述

中代之平遼總兵毛文龍報牛毛之捷又報烏
雞大捷并奏其贊畫王一軍罪逮治論死

四年正月朱爕元敗賊于永寧長興民吳野樵
作亂殺知縣石有恒主簿徐可行王三善駐大
方久軍心玩懈食亦既班師還省賊步躡之
至楊冢海賊截路大戰賊敗復行又二日抵化
節賊擁出圍之官兵大亂三善中鎗落馬為所
執全軍覆沒川師入龍場擒逆酋奢崇明及其

妻安氏二月免川廣閩浙香貢四川總督朱燮
元議處蘭地以赤水河為界河以東龍陽一路
屬貴州河以西至永寧屬四川就永寧設道府
與遵義相犄角三月廕魏忠賢弟侄一人錦衣
百戶四月川貴總督楊述中聽勘以蔡復一代
女直攻旅順堡都司張盤大敗之五月以許顯
純掌北鎮撫司理刑加魏忠賢原廕侄男二級
賜進忠名忠賢贈石有恒太僕寺少卿六月左

副都御史楊連䟽奏魏忠賢二十四大罪傳旨
一切政事皆朕親裁宮闈事情嚴密外廷何以
透知是歆屏逐左右使朕孤立楊連尋端沽直
姑置不問卽中萬燝劾奏忠賢盜權擅利諸不
法狀逮燝杖之內侍群毆于門立斃七月杖汪
文言爲民詔逮御史林汝蓊命下汝蓊惧內侍
毆逃遁自詣蓮化軍門獄具題仍解京廷杖六
科廊失火大學士葉向高乞致仕許之河決賑

恒山東江南水旱災民島師報三捷冊封光廟
選侍傅氏為懿妃李氏為康妃八月黔師寇峇
頭峇九月磁州漳河得玉璽龍紐龜形文曰受
命于天既壽永昌撫臣程紹以聞上簡內運
庫軍器精堅者特解赴關門議恤死事撫臣王
三善毛文龍獻俘并請餉樞輔孫承宗出關視
師福建撫臣南居益遣兵破走紅角焚其城獻
俘奏捷起曾于汴南都御史慶陵工完以災改

浙江南漕糧左都御史高攀龍疏奏貪污御史
崔呈秀等職聽勘山西巡撫缺會推謝應祥御
史陳几疇言昏耄不堪疑魏大中有私內旨几
疇大中及吏部員外郎夏嘉遇皆降級調外尚
書趙南星都御史高攀龍各引罪求罷免之科
臣沈惟炳論救亦降調十一月署吏部事侍郎
陳于庭會推冢宰以喬允升馮從吾汪應蛟名
上內諭吏部都察院濁亂已久顯是陳于庭揚

連左光斗箝制衆正抗旨徇私大不敬無人臣
禮都草賊為民選郎張光前御史袁可立房可
壯疏認會推興聞各降調刑部尚書喬允升引
疾求歸起崔景榮吏部尚書李宗延都察院左
都御史大學士孫承宗奏請還朝恭賀萬壽仍
欲面奏机且不允毛文龍以李永芳招興同叛
私書上奏加左都督賜蟒衣大學士韓爌引疾
歸十二月以御史梁夢環奏復逮汪文言

五年二月內諭湖廣山東江西福建試錄策問
有詆毀朝政語將正副考官八人俱降級調外
御史楊維垣奏奪侍郎王之案官大理寺丞徐
大化叅楊漣左光斗黨同伐異招權納賄詔俟
汪文言逮至一併究問三月女直削平金州城
兵躡旅順文龍不能救張盤被執朱國昌戰死
初六日上幸太學釋奠先師雲南撫臣閔洪
學奏報擒獲逆酋安應龍達徐州新城于雲龍

山遼內使冊封李暉為朝鮮國王道絲皮島賜
文龍勅諭及蟒衣銀幣鎮撫司許顯純勘問汪
文言獄辭連趙南星楊漣左光斗魏大中繆昌
期袁化中惠世揚毛士龍鄒維漣鄧漢廬化鰲
夏之令王之案錢士晉徐良彥熊明遇施天德
請下法司研鞠忠賢仍發顯純嚴刑究問以封
疆一案楊漣左光斗袁化中魏大中周朝瑞顧
大章奉逮追贓其餘趙南星等俱削籍發撫按

提問追贓四月科臣霍維華疏三案是非大畧
言擁立之時方從哲范濟世顧慥俱在何煩劉
一燝楊漣左光斗居功排選侍者王安一人而
李進忠劉朝無罪擬斬選侍不妃不后而何以
垂簾風顛之張差劉廷元岳駿殷口詞明白協
當王之案陸大受造舛繆之說開蒙骨肉孫慎
行起自田間借題紅丸加方從哲以弑逆之罪
獨黃克纘王志道徐景瀟汪慶百范濟世昌言

鑿足砥一時之柱監生楊維休草莽一介何
從而注朝廷之起居伏乞將一應章疏宣付史
館以重信史五月科臣楊所脩請將三案章奏
大畧編次成書刊行天下六月下周朝瑞袁化
中左光斗顧大章魏大中楊漣于北鎮撫司七
月御史倪文煥疏論東林渠魁尚伏奏李邦華
李日宣周順昌林枝橋削奪八月御史張訥請
廢天下講院變價助工卽元標孫慎行馮從吾

余懋衡俱削籍鄭三俊畢懋良姑剋帝間住楊
漣斃獄樞輔孫承宗決關內冗兵歲省餉七萬
有奇毛文龍獻俘解活擒者七名稱中路逃去
二名行至廣鹿島另解六人換去前裔科臣楊
文岳叅之不報冊封任氏為容妃決熊廷弼傳
首九邊九月門工成左光斗魏大中袁化中周
朝瑞斃獄御史賈繼春請蚤定爰書魏忠賢取
旨楊漣左光斗串通王安倡為移宮之說與魏

大中同朝瑞表化中黨護熊廷弼破壞封疆貪
其重賄託汪文言內探消息巧借別題以掩罪
廷弼已決楊漣已死顧大章係同惡送法司從
重擬罪爰書既成頒行天下顧大章自盡于獄
下惠世楊于鎮撫司十月 上宣兵部尚書高
第至文華殿賜尚方劍坐蟒玉帶銀幣命經畧
遼東十一月旅順城戍詔停刑戍原任吏部尚
書趙南星錦衣衛田爾耕邏執僧人本福有詩

扇為揚州知府劉鐸所書訊刺時事忠賢出旨
逮之并逮作詩歐陽暉下獄擬罪

六年正月女直入犯圍攻軍遠袁崇煥禦却之
聖諭袁崇煥血書示衆將士協心滿桂等捍禦
孤城天心奮勇朕心嘉悅戶兵二部發銀十萬
兩犒賞二月袁崇煥陞食都御史滿桂趙率教
各總兵都督同知成張慎言逮周宗建繆昌期
忠賢取李寔空印奏本填周起元周順昌馬攀

龍李應昇黃尊素俱係和黨遣官旂逮問鎮撫
司奏報緝獲奸細武長春係叛將李永芳壻下
刑部擬罪三月朵顏等衛商人妙朵兒進貢經
略高第引免袁崇煥為巡撫發內帑銀十六萬
兩并內庫軍器給山海各鎮充賞以激勵將士
給肅寧伯魏良卿四代誥命賜魏良卿養贍地
土七百頃命內監劉應坤陶文紀用等出鎮山
海科道官疏爭不聽以王之臣經畧遼東封西

洋砲為安國全軍平遼靖鹵大將軍遣官致祭
四月下周宗建繆昌期北鎮撫司獄高攀龍卒
時有旨逮攀龍官旂撤于十八日開讀而攀龍
先于十七日溺池死繼騎至蘇州逮周順昌時
民變毆殺官旂數人撫臣毛一鷺奏聞有旨密
捕為首顏佩常等五人戮之李應昇周順昌至
京下北鎮撫獄五月繆昌期斃獄王恭廠地火
起勢同崩裂都城西南一方十餘里屋宇倒塌

男婦死者五百餘人皆身無寸絲黃尊素到下
鎮撫獄薊門地震朝天宮火大學士顧東謙進
三朝要典副本入茶進 神宗實錄副本六月
工禮二部請給魏忠賢祖父祭塋誥命詔以伯
爵例行初五日寅時京師地震天津三衛亦震
宣大同日震倒壓死傷更慘周順昌周宗建斃
獄閤六月時京師荒羊降詔卹民黃尊素斃獄
東廠傳旨抄沒吳養春家私將黃山地畝盡充

公用李應昇斃獄下周起元于北鎮撫女直侵
并西北部落七月王之臣袁崇煥會議總兵滿
桂掛征酋將軍印鎮守三海駐札閉門兼管四
路二月變賣黃山立限嚴追程夢庚等贓銀十
三萬六千兩吳養春贓銀六十餘萬兩山場木
殖銀三十餘萬兩山場地三千四百餘畝連變
賣以助大工復以妖術下劉鐸于刑部獄與其
黨曹雲龍彭文炳劉福等即便會官處決鎮撫

司奉工傳犯人徐日強等着送刑部擬罪張國
紀身係皇親宜恪遵禮義不得濫用匪人着行
省改九月女直主病死詔諭停刑以三韓功晉
魏良卿肅寧侯十月叙三殿功魏忠賢晉秩上
公魏良卿晉封寧國公遼東巡撫袁崇煥遣喇
嘛僧錫南木通女直朝鮮國王李暉奏辯國內
事情有旨獎慰并慰毛文龍稱毛帥而不名十
一月詔卹徐朝綱合門死節南京地震十二月

以劉志選奏逮王之寀成孫慎行

七年正月朔上御新殿百官朝賀給內臣閑

防點生顧同寅私撰祭熊廷弼文事發到廠斬

于西市二月盜竊天壇神器信王出府成婚信

王辭免贍田差太監胡良輔鎮守海外等處差

太監苗成暨金捷郭尚禮於皮島等處駐札督

催餉運遼撫袁崇煥奏北騎求款情真三月三

王辭朝啟行之國念驛遞疲苦辭免欽賜馬匹

上先之脩築董家口山東巡撫李精白報產麒
麟朝鮮告急命毛文龍出師援救封涿房等礦
洞敘滇捷四月工部主事呂下問勘賣黃山殘
虐激變百姓焚解求殺之下問遁免皇陵失火
延燒四十餘里東江將士高萬重李鑛徐敷奏
逃散毛文龍報請正刑又報晏延關之捷增定
大帥杜文煥駐寧遠尤世祿駐錦州侯世祿駐
前屯左輔駐大凌河滿桂駐關門節制四鎮仍

賜劔以重事權五月總兵滿桂塘報官兵破敵
于瓜羅山六月女直攻寧遠總兵滿桂等大戰
敗走之及錦州圍解總兵趙率教恭報一月三
捷兵部奏北騎傾巢而歸有旨嘉厥臣秘計妙
算屢建奇功兵部霍惟華覆奏厥臣茅土尚覺
其輕良卿太師尚欠一級嗣後諸臣疏頌皇
上上公並稱豐城侯李承祚請封魏上公為王
是時天下府州縣皆建有魏公王祠以浙江撫

臣潘如禎為倡皆御賜祠額駭動天下海寇鄭
芝龍等犯閩中銅山中左等處上不豫遣官
魏良卿代行孟冧享廟禮宣延鎮之捷七月刑
部請出竄承武竄濬于獄立功贖罪袁崇煥以
病乞歸賜兵部尚書王之臣尚方劒駐劄寧遠
一片石西界忽生鉛礮可資火器命會同督撫
道府開採煨煉敘錦寧三捷功魏忠賢弟侄一
人特封安平伯魏良棟准封東安侯八月十八

日 上疾大漸有旨諭吏部奉聖夫人客氏子
侯國興進封伯爵傳諭加宮保卿貳者五百餘
人二十二日 上崩遺詔信王登極上尊謚曰
愍皇帝廟號熹宗

石遺書曰我明三百年宦官之禍始於正統橫
於正德復橫於天啟正統正德猶對口發背之
症壯年力旺毒不能內攻幾死復活天啟則病
在命門精力既竭疽發骨旋癰潰毒流命與俱

盡矣 烈宗雖烏鵲哉其能起必死之症乎且
又求愈太急多服劫劑元氣日耗神氣不守風
邪卒乘有立斃已矣則是官官之禍種毒既深
國與隨盡可不畏哉可不畏哉